

ՄԻՄՈՆ ԲԱԲԱՅԱՆԻ ՈՒՂԵՐՁԸ ՀԱՅՈՑ ՑԵՂԱՍՊԱՆՈՒԹՅԱՆ ՋՈՂԵՐԻ ՀԻՇԱՏԱԿԻ ՕՐՎԱ ԿԱՊԱԿՑՈՒԹՅԱՄԲ

24.04.2024 11:39



Հարգելի՛ հայրենակիցներ,

Այսօր Հայոց ցեղասպանության 109-րդ տարելիցն է:

Հայոց ցեղասպանության անհերքելի իրողությունն ընդունել են բազմաթիվ պետություններ և իրականության դեմ չմեղանչող այդ երկրներն աշխարհասփյուռ հայերի հետ այսօր դատապարտում են 1915 թվականին Օսմանյան Թուրքիայի կողմից հայ ժողովրդի դեմ իրականացված 20-րդ դարի առաջին մեծագույն ոճրագործությունը՝ Հայոց ցեղասպանությունը:

Ժամանակակից Թուրքիան, ցավոք, այսօր շարունակելով նախնիների հանցավոր ուղին, ջանում է թաքցնել և խեղաթյուրել իրականությունը՝ դառնալով մեղսակից 109 տարի առաջ տեղի ունեցած հանցագործության:

Այսօր էլ թուրք-ադրբեջանական տանդեմը, խաղաղասիրության ու մարդասիրության կեղծ քողի ներքո, բայց և անթաքույց, փորձում է շարունակել նախնիների կիսատ թողած գործը:

Այսօր էլ վտանգի տակ է մեր սերունդների ապագան ու մեր հայրենիքի վերջին կտորը:

Այսօր էլ իրավունքի և ուժի հավասարության համատեքստում, իրավունքն ընկրկում է ուժի գերակայությանը՝ աշխարհաքաղաքական շահերի պայքարում, և իրավական հանրությունն ականատես է լինում, թե ինչպես է իրավունքի ուժը գործում ըստ պատեհության:

Այսօր էլ՝ օրը ցերեկով և աշխարհի աչքի առաջ, թուրքական պետություններն ամեն կերպ փորձում են վերացնել հայկական հետքը Արևմտյան Հայաստանից, Արցախից և փափագում են տիրանալ նաև մեր հայրենիքի վերջին բուռ հողին:

Մեր դարավոր թշնամու քաղաքականությունն այսօր էլ նույնն է, և նրա ազգակործան երազանքի իրականացմանը խանգարողը մենք պիտի լինենք՝ առանց թվացյալ խաղաղություն մուրալու:

Հարգանքի տուրք մատուցելով Հայոց ցեղասպանության զոհերի հիշատակին՝ մենք պետք է ձգտենք կերտել արժանապատիվ խաղաղություն: Մենք պետք է անկոտրում լինենք և հզորանանք, չմոռանանք Սահմանադրությամբ ամրագրված մեր

նախնիների պատգամը և պատմական փաստերով
թշնամուն ստիպենք առերեսվել իրականության հետ:

Ունենալ արժանապատիվ խաղաղություն և հզոր
հայրենիք, սա պիտի դառնա մեր հավատամքը:

Հարգանքով`

Սիմոն Բաբայան

ՀՀ փաստաբանների պալատի նախագահ

```
Վերադառնալ $(window).load(function(){ if(typeof $(".fb_comments_count").html() != "undefined" &&  
parseInt($(".fb_comments_count").html()) != 0){ updateCommentsCount(window.location.href); } })
```